

LA 5.
CHRYSPAGYRIE
DE FRANCOIS ROS-
SELLET DOCTEUR
MEDECIN.





DEDIE
A MONSEIGNEUR
L'ILLVSTRISSIME CARDINAL
DE GRANVELLE.



A LYON,
PAR CHARLES PESNOT.
M. D. LXXXII.

AVEC PERMISSION.





A MONSIEUR
L'ILLVSTRISSE
CARDINAL DE
GRANVELLE.



*Onseigneur, ie prens vnehardies
 se plus esloignée de l'hontense fa-
 con (qui accompagne les ieunes
 ans de ceux, qui font hommage
 de leur vie à la vertu) que la
 marque de la grandeur vostre, ne veut possible
 admettre. Toutes fois comme bruslant de pareil-
 le flame de Xenocrate, ie merite excuse, lequel
 esprit, & desireux de cognoistre, & quelque ment
 goustier, la grandeur, la vertu, la faueur, du fils
 de Philippe Macedon, brusquemēt, & selō que le
 vertueux desir le poussoit, s'achemina au lieu,
 où ce Monarque demesloit les affaires de tout le
 monde. Et là luy presenta toutes les petite forces,
 qui pouuoient reposer en sa tendre ceruelle. Ser-
 uice certes quelque ment à priser, veu que la poin-
 te d'un cœur, né genereux le mouuoit de ce faire.*

Moy donc habillé de la mesme facon de ce Philosophe, & viuant en l'esperoir d'une semblable grace, i'adresse à vostre Illustrissime Seigneurie vn petit muet, lequel m'a promis, qu'il ne faudroit de s'efforcer pour vous faire cognoistre, de quel zele, & affection ie desire remettre, ou plustost vouër ma plus entiere, & seruiable impression, à la genereuse grâdeur de vous, & des vostres. Laquelle vraiment ne peut faire sortir autres estincelles de mon cœur, qu'un desir de remarquer ceux qui s'abillent du manteau de vertu, & nous sont comme vn soleil, d'où depend la seule lumiere de nostre humble condition. Et puis que ce grand Dieu vous a esleué sur tous, & orné d'une premiere grace, pour vous faire le miroir où les quatre belles parties d'une entiere vertu sont nayssuement representees: A scauoir la foy, la temperance, la force, & la iustice, à bon droit comme l'unique obiet de nostre aage, nous vous deuons l'honneur, le prix, l'amour, que toute ame vertueuse, versée en la cognoissance des choses, merue, & surattend. l'Espagne vous recognoit pour tel, non sans iustement aduiser que de vostre fortune, de
vostre

vostre scauoir, de voz veilles, de voz labeurs, depend la paix, la conseruation de l'estat de nostre bon Roy. Le françois me sera pour fidele tesmoing lequel n'a cessé de vous admirer depuis le temps, qu'il cogneut l'aigreur, & viuacité de vostre conseil, lequel (selon les destinees deuoit estouffer, & esteindre le brasier allumé de toute ancienneié entre ces deux magnanimés nations. Et quoy? la Mer sera-elle guide de voz conquestes? N'est-ce pas vous qui auez part en l'indeleble & memorable victoire de ce second Epaminonde ce gentil seigneur d'Austrie, vous faisant le pareil estat en son endroit, que Fabius Maximus souloie faire à l'endroit du fils de Paulus Emilius? L'Italie comme ayant gousté la force & vigueur de ce Conseil, se taira-elle? N'est-ce pas vous qui auez fait reluire tous les heureux moyens, qui se doiuent employer pour tenir en estat pacifique tant de terres esloignées de la veüe de leur naturel Seigneur? Où vostre equité, douceur, & sincerité ont laissé pour tesmoignage les regrets, que ces nations encor sousspirent, pour se voir aucunement prinées du Soleil, d'où dependoit la lumiere

de leur Iustice, & Union. Ces choses là serieuses
 & qui touchent l'vtilité de tout le monde, doivent
 tomber sous la main de ceux, qui font estat de re-
 presenter par leurs doctes escrius les images, &
 labours des hommes magnanimes, & non de moy
 qui me contente de voler plus bas, encor que l'e-
 sprit courageux ne s'abaisse. Mais pour retourner
 à mes arres, & dresser en vn mot vn trophée, y
 a-il regne remarquable en l'Europe, où vostre si-
 gnalee maison n'ait laissé vn deuoir immortel, pour
 le seruice, & accroissance de la grandeur de noz
 Princes. Ce sage Nestor Bourguignon le seigneur
 de Granuelle vostre pere n'a-il pas fait cognoi-
 stre autres fois à nostre inuincible, & magnani-
 me Cesar, combien importable estoit la dexterié
 de son rare scauoir en la conduite de ses grands af-
 faires? Ce Cesar dy-ie, lequel ayant sceu son fune-
 bre & inespéré trespas, rendit les mesmes larmes
 qu'Auguste rendit pour l'absence eternelle de
 son bienconseillant Mecoenne, en la place duquel
 Dieu vous appella, voulant que de vostre main
 la fortune de nostre Roy fut regie & gouvernee.
 Enquoy la grandeur de vostre esprit s'acquitte
 autant

autant beureusement qu'autrefois le vigilant
Metel s'est acquitté en la conduite des affaires
Romaines. Il me suffit, & ie louë Dieu qui m'ac-
corde ceste premiere grace de faire cognoistre de
quel zele, & affectiō bruste la plus sensible partie
de mon cœur, à l'effet d'embrasser la moindre
portion du comble de tant de genereuses Vertus,
qui redorent vous, & vostre souche, laquelle me-
ritément me commande de presenter à l'image de
vostre grandeur vn discours doré, qui comprend
quelques demonstrations, & preparatiōs spagiri-
ques, & s'appuyāt sur vous (cōme sur le plinthe de
quelque solide & cubique seuirié) receura le pre-
mier iugemēt des lettres, que i'ay amassé pour ba-
stir sa petite naissāce. Le m'assure que ne scaurois
choisir ame mieux cognoissant les affaires de ce
mōde, que la vostre, & mieux separāt les œuvres
bien-faites des mal-faites. Ce qui m'occasionne
poussé d'une legere temerité (qui est la premiere
intemperance de ma ieune cervelle) de mettre en
voz mains ce petit auorté que i'ay conceu & en-
fanté depuis quelque petis iours enca. Le m'assu-
re qu'il prēdra une secōde vie de vous si vne fois

Vostre œil le caresse de l'humanité, & douceur
coustumiere, qui accompagne la grandeur de vo-
stre genereux & docte esprit. Voila ce qui a meut
mon recent estude d'attacquer quelqueement voz
merites, encor que ie scay pour Vray que vous
n'avez en horreur ces delectables preparations
qui se font par le feu, & y mettez la main apres
le debat des Royalles affaires (comme si cela rele-
uoit le Brise-teste que le pois de telles negoces à la
longue peut apporter à vostre esprit) enquoy vous
imitez le citoyen Lyricque d'Horace, Lequel apres
auoir attaché la galere aux ports, où il auoit heu-
reusement employé la iournee pour sa patrie, re-
tournée en sa maison appaisoit la fatigue de la
guerre qui tormentoit encor son esprit, avec l'har-
monie du luth, & de la Musique. I'ay donc pris
une hardiesse (Monseigneur) que vous deuez
excuser, comme Auguste excusoit les ieunes vers
de Tibulle, avec espoir que le temps maturant
la ceruelle de ce ieune Poëte apporteroit un iour
plus de contentement à son esprit. Que si telle gra-
ce ie peu gagner sur vostre illustrissime Seigneur
ie pour recompence d'icelle, ie prieray ce grand
Dieu

EPISTRE.

Dieu qu'il felicite & augmente tousiours le com-
ble de voſ honneurs, & qu'il vous accorde pour
grace de tant de voz merites ſa celeſte demeure.
de Veſoul ce 8. Ianuier 1582. De

Vostre Illuſtriſſime
Seigneurie

Le treshumble ſerviteur
Francois Roſſelle
docteur Medecin.

A 5



FRANCISCO ROUSSEL-
LETO DOCTORI
MEDICO VE-
SULANO.

*Aurea: cui mento frondescit barba, virenti:
Sed cui canities plurima mentis inest.
Cui fauet & Phœbus: nec non Epidauria proles:
Doct̃or, sequanici, laus celebranda soli:
Dum sapiens medicus, medicas incumbis in artes.
Sanguis Appolineus quam tibi dexter adest?
Sed dum scribis Epos: diuinum pectus anhelat
Carmina Pieriis assimilanda modis.
Quam benè conueniunt, medicina & sacra Poesis,
Hæc animum nutrit, corpus at illa fouet.
Delius est æquè medicina, & carminis auct̃or:
Corporis ut medicus, sic animi medicus.
Phœbigena alter ades si quidem medicamine corpus
Instauras: Animum carminibusque leuas
Ac excundis opus musis & Apolline dignum:
Dum viuunt flammis fulua metalla tuis.
Dumque nouis animis, animas prope reddis adæptas
Corporibus: medicos vincis in arte patres:
Quid superest aliud, nisi sis AEsclepius alter,
Qui vitam extincto reddidit Hippolyto?
Quolibet est aurum sicut pretiosius ære:
Aere vel puro purior ignis ut est:*

ingenij

*Ingenij monumenta tui sic inciyta, palmam
Pracipiunt aliis, pracipiuntque decus:
Vtque micans aurum nullo consumitur igne,
Aurea sit tempus non tua scripta teret.
Antonius Huetius.*




A MONSIEVR ROVSSELLET
DOCTEUR MEDECIN.

*Rouffelet tu es roux, Et est rousse l'aurore
De Phæbe barbedor, dentre les mieux appris.
As redoré ton non de tes dorës écrits,
Et ta Philosophie & ses vertu, encore.*

*Lor dentre les metaux, que le feu ne deuore,
De soimême a esté d'ineestimable pris.
Or beaucoup plus prisé, dautant que les esprits
Tirés d'un corps pesant ont le plus de decore.*

*Le peuple Lydien du sacré mont d'Imole
Aveu bouleuerfer le sable dans Paëtole,
En sable aiant le corps, impur, epais, solide,
Et toy plus admiré d'entre les Sequanois
Contre son naturel d'impur, solide, epais,
Le rens pur, & coulant, & potable, & liquide,
S. Besancenot.*



SVR LA CRYSOSPAGYRIE
DE MONSIEVR
ROUSSELET.

*Roussellet mais plustost ruyssellet de doctrine,
Ou fleuve doux-coulant d'un cours bien limité,
Qui enuoyes d'icy à la posterité
Les secrets d'une rare & vraye medecine:
Qui d'un ardent desir enflames ta poiètrine
D'un art que le vulgaire estime vanité
Pource, que son esprit en la terre arresté,
Ne comprend les secrets de la haute machine.
Si ie suis l'un de ceux pour qui ton labeur est,
Qui à mesme doctrine & pratique se plaist,
Qui recerche des corps tant de metamorphoses
Et que les Muses ont tant de fois aduoué.
Ne te lou'ray-ie pas pour tant de dignes choses
Si quelqu'un entre nous en doit estre loué?*

G. Dela Taissonniere.

LA CRYSSOPAGYRIE
DE FRANÇOIS ROSSELLET
DOCTEUR MEDECIN.



VELQVEFOIS estant retiré en mon priué (où le desir d'auancer matieres à mon recent estude me rangeoit) i'ay pensé, & repensé en la façon que noz peres tenoiét, pour la conseruation de leurs corps, & soulagement d'esprit, & quelle antidote leur a esté la plus intime, & familiere, à l'effect de retrancher & borner le cours à tant de pauuretez que les Grecs & Arabes nous ont laissé pour tesmoignage de leur affectionnee diligence, & louable obseruation. La memoire desquels est remarquee, & heureusement cōprise sous le nom d'un Æsclepiade, d'un Podalyre, & d'un Machaon, qui sont tenus pour
 les

les premiers, qui ont consacré leur de-
 uoir, au proffit humain sous l'auctorité &
 grandeur de ce tiltre de Medecin. Etia-
 çois que nous soyons asseurez par les let-
 tres d'un Homere, & demōstrations d'au-
 tres infinis, comme d'un Diocles, d'un
 Archigenes, ou d'un Herophile, des inex-
 plicables effects qu'ils ont auancé pour la
 santé des humains. Si est-ce que nul d'eux
 se treuve, qui ose asseurer quelle grace,
 quelle raison, quel remede ils tenoient
 en leur façon de curer: & diries que na-
 ture a esté comme enuieuse de la commu-
 nication de leur graue labeur à la posteri-
 té. Pour tels biēsfaicts & merites, ils se font
 ioints à l'immortalité, & sentās que les an-
 goisses de la mort les pressoient, & de mes-
 me qu'il n'y auoit moien (encor que le
 commandement de leur art fut grand)
 de forcer la derniere heure, que chacun
 mortel doit à son auteur, ne desirants
 toutesfois l'honneur d'une immortalité
 fuiarde, semblable (comme pourroit e-
 stre)

stre) à celle qu'Alexandre, reduit sous le moment de son dernier iour, de firoit, glorieusement stimuloient l'heritier de leur art de ne laisser moisir en casanier repos les braues fructs, & effects qu'ils auoient produits & engédrez. Ce qu'ils feirēt, mais nō avec cōtētement tel qu'un esprit naissant, & poussé de son Astre à la poursuite de leur doctrine souhaitteroit. L'heritage des lors accreut, & les semences iettees reussirent tellement en remedes, & vertus; que nature le moins du monde où beaucoup aggraüee ne voulant estre ingrate, & ocieuse en leurs difficultez, & toucher leur sueur en vain, humblement obeissoit, & leur presentoit les mains: & quelquesfois les voyant à demy halenez pour ne voir l'acte de leur graue labeur tel qu'ils desiroient, leur guignant un œil favorable, les redressoit comme esgarez & forclos en la voye de leur desir. Lesquels apres auoir conceu tel benefice, & telle grace, & apres mille consultes, & occupation

cupatiōs, aſſeurerent que nature defaillāt en elle, tiroit d'elle les remedes de ſes paſſions. Cet arreſt fut grand, & tient plus de latitude que l'humain entendement ne peut d'un premier ſaut conſiderer, & a mis telles alterations entre les ſectes Empiriques, & dogmaticques, qu'à peine toute l'auctorité d'une Monarchie de doctes les pourroit remettre en une douce & amiable coniuration: Mais comme ils tirent à un meſme ſcope, & but qui eſt l'obſervation & eſſect, qui ſuit ſeulement l'experience, laquelle a monſtré premierement les choſes par fortune, & hazard, & depuis, afin que ſon ardeur, & violence fut attrempée; a eſté reduitte ſouz la main des ſages comme vaſſale vnique de leur raiſon. Il me ſemble pour l'amour que nous devons pourter à toutes choſes heureuſes, que l'une ne pourroit eſtre ulcerée, pour cherir l'autre en eſtat de compagne, & encor plus la mettre en ſon domaine. Nous voyons par experience. oculaire

culaire, & manifeste obseruation, que les Grecs, & Arabes depuis deux milles ans ença ont laissé la recepte de plus de trois cents maladies, ausquelles nostre corps est attaché, sans les nouuelles, qui se descouurent de iour, en autre, & formillent de ce corps avec telle horreur, que lesprit qui contemple la source & cruauté de telles passions quelquefois reste cōme estatique, & priué de la cognoissance de soy-mesme. Lesquelles pour mieux heureusement cōbattre, & assaillir, il faut que nous tormentions plus allegrement, & avec plus grande importunité nature, ou doucement la prier de nous eslargir de plus precieux, & rares remedes, qu'elle n'a fait encor, & qu'elle ouure à ce coup la plus fauorite, & riche boette de ses thresors tant pour nous asseurer, & camper contre le superbe effort de ces mōstres, que pour les chasser, si d'auanture ils vouloient decoucher les fleches de leur ire à la ruine iuree de la maison de nostre ame. Que si

B autrement

autrement mesprisant son gendre, elle fait, avec Pline nous laccuserons d'estre pluſtoſt cruelle maratre, que gracieuſe mere a l'homme.

Or laiſſant ce premier vol, ie veus ancrer au port d'vne diſpute, avec vne curieuſe proteſtation contre noz anciens. Il n'y a cil tant arreſté en ſes affaires propres, qui ne confeſſe volontairement que l'antiquité n'a eſté tant deſortunee, & peu felice en l'inueſtigation, & plaiſante recherche des choſes naturelles, qu'elle n'ait obſerué mille, & mille moiens, compris ſous l'autorité de remedes pour nous deſuelopper des maux, qui a toutes heures nous aſſaillent, & encor mieux pour forcer & obſtinément ſurmonter vn naufrage non attendu, qui cruel menaſſeroit le ſcope, & but, où le tout puiſſant ſous limite de nature nous a rangé. Toutefois bien peu de ſes nourriſons (& a la verité le nombre eſt moindre que petit) ont mis en leurs eſcris ceſte precieuſe li-

se liqueur, a nulle autre seconde. Laquelle pour ses grandes & admirables vertus l'ont appellé de la chose, d'où elle est produite, & tirée, qui est lor (metal alterant les plus secrets refuis, & cachettes de l'interieur de l'homme) chose estrange, & presque incroiable, si la suite du Trimegiste, & le cœur de ces Philosophes ne nous asseuroient, & mettoient quasi le dernier sceau de verité, que ceux qui en ont usé ont soulagé leur vie, racheté leurs corps de fatigues, & passions, & ont gagné en fin le but, que nature a promis a toute creature raisonnable, de pitant les flots extérieurs, qui menassent le plus assésuré de nostre vie.

Ces Peres là vraiment ont vescu, & tiré la trame de leurs ans par la seule ambrosie, & par ce moyen remis en vne seconde vie, sainement ont honoré les Dieux, remarqué l'éternité des âmes, les tournoimens des Cieux, le contenu du monde, la nature des choses, & ont conduits ainsi l'estat de leur vie en occupations vertueuses

Car c'est vne demonstration inuiolable, le corps estant sain, les facultez sont valides, les sens moins embrouilleez, l'esprit agile, & courant, lequel apres auisant à sa dignité s'esleue, & ravi d'un desir bouillant penetre iusques au Ciel, surpasse tous les globes, & cauitez celestes, où en fin pour grace adore cil qui a esté son premier auteur.

Leur peine donc doit estre engrauee dans le plus capable, & ardu de noz sens, d'auoir mis leur desir en effect, & contantement par la seule volupté de la fanté, & elongation de leur vie. Que si la diligence de leur suite eut preueu à l'honneur, & proffit, que la grandeur de leur doctrine promettoit, possible ce tât felice remede n'eust abandonné par tant d'espace de temps les rais de noz yeux. Il faut donc que leur negligencé, ou plustost vn creue cœur qu'ils portent à la doctrine Spagyrique, mere, & propagatrice de tels fruits, ait meu le premier diuorce, laquelle iniurieusement

rieusement abhorrent, & cruellement detestent comme chose sordide. J'ay versé au monde de semblables hommes, lesquels apres auoir mis le pied au gué de telle science, pour ne voir les effets respondre du tout à leur brulante volonté, & l'acte dernier de ce qu'ils desiroient, ont blasphemé contre l'estendue de ces principes, & autoritez naturelles. Mais ie compare telle image de gens à celle d'Icare, lequel basti d'une teste mal faite, & temerairement esleué sous ses aisles mal coulees se haussant insques au ciel, d'où il pensoit violement extraire les secrets, & orgueilleux, accompagner trop familièrement les choses, qui surmontoient sa petitesse, tomba par vn precipice ruineux en la mer profonde d'iniurieuse temerité.

Mais les autres qui ont cherché le plaisir & contentement d'une telle doctrine, n'ont pour vn premier coup tiré vn desespoir, qui brise tousiours, & abouty la pointe d'une labourieuse poursuite. Mais

imitant Dedale ont singlé en la region moyenne de l'air, car ils remarquoient la science estre longue, la vie plus briefue que la latitude d'icelle ne portoit, & ce que doit rester pour vn Trophée de tout l'expérience tardifue & lente. Toutesfois la patience qui est la mere nourrice de tout auancement les rangeoit, Lesquels apres auoir goutté, & accompli la rigueur de ses loix, se sont veuz maistres, & entiers possesseurs de la chose demandee. Mais ce que lon ne peut dire sans larmes, ont trop plus auarament vsé des braues despouilles, & riche toison de leur labeur, que la posterité ne voudroit. Car ils ont voylé leur graue conqueste sous enigmes, & meteores, desquels l'intelligence excite l'aide d'une seconde vie.

Ces brisés Philosophes, & cōs en l'eternité d'une peine, qui leur vlceroit la plus secrette cauité du cœur, comme heritiers de Promethee contemploient la source de toutes choses, les causes d'icelles actiōs
facultés

facultés, assurez par vne raison que la nature qui pend contre bas n'est autre chose qu'un bel objet, ou pourtrait de l'Eternité ou quelque table, & miroir representant la cognoissance de toutes choses, comprises sous les especes d'animaux, vegetaux, & minéraux, qui sont comme les parties, & le tout de la boutique de ce monde visible, en laquelle reluisent & sont manifestes les rets de la toute puissance de Dieu. De la ont deduits les propriétés des choses, & depuis les remedes, qui pourroient combattre, & assaillir nature, si elle vouloit effacer la promesse qu'elle a fait à noz ans. Et comme l'intention, & nerf de nostre dire, est tendu dessus vne partie des trois, laissant deux en repos, ie m'adresseray à la troisième, encor que nature en sa creation, & estre se soit monstree plus reuesche, & depiteuse, qu'en la generation des autres. Car vous iugerés à la voir qu'elle n'a point d'ame & qu'elle ne promet vne accroissance telle, qui est communeés

vegetans, & animaux. Toutesfois ie veux dire avec la raison des premiers Philosophes, qu'elle luy a fait part d'un eschantillon de ce baume, qu'elle a destiné à la vie de toute chose, qui ne peut estre enfanté d'aucun mariage que les qualitez peuuent faire en ce bas territoire. Et encor que l'opinion soit la plus marchandee, & vulgaire: que tous les corps compris sous les especes nommees ayent pour principe, & cause efficientel'accort, & assemblement des quatre qualitez premieres, qui sont comme principes & elemens de tous corps visibles. Lesquelles (apres que leur seditio fut appaisée) avec vne amiable cōiuration seruirent à l'estre de ce grand tout, confondant, assemblât, meslant l'humide avec le sec, l'ardant au gelé, l'hatif au tardif, la force au droit, accordant vn pois au mépart de toutes especes, tant proportionnement balancées que la violence de l'une ne peut ruiner la foiblesse de l'autre, tellemēt que la contrarieté du pesant au leger, du moite

au sec, du froid au chaud, & des vnes & autres qualités, est par vne bien egalee disposition, nouee comme lon diroit en vnion indissoluble, & que de là selon le iugemēt plus arresté les plantes & mineraux reçoient leur naissance & accroissement, les animaux brutes, leur accroissement, & sentimēt. Si est-ce que les vns comme establis d'un simple estre, i'entens les mineraux, pour leur remote generation selon la demonstration asses ample que les Spagyres nous ont laissé, semblent nous aduertir qu'ils ne s'accordent à ceste opinion commune, mais par effect nous enseignent, qu'ils sont produits, & engendrés d'autres parens, que des premiers. Ce que soustiēt Geber en sa somme, le plus grand torrent des principes metalliques qui se pourroit trouuer, lequel avec raisons animees, preuue & afferme que tous metalliques sont composés de deux principes, qu'il appelle Soulfure & Mercure: Par ce principe Soulfuré il comprend vne graisse engendree

és entrailles de la terre, laquelle agitée d'une temperée cuisson, s'épaissit, s'endurcit, & se seiche, & du dernier acte, qui est l'induration, le soulfre est nommé. Par le Mercure vne eau visqueuse, adherent obstinément aux visceres de la terre, d'une substance exactement subtile, laquelle moyennant la chaleur temperée est reduite en vne epycrasse du sec, & de l'humide également disposées. Voila pourquoy ce principe metalique est fluide, à cause de son humidité, & ne peut adherer à aucune chose, encor qu'il soit visqueux, pource que la siccité qui le tempere empesche la force de la viscosité de l'humide: & n'est arresté d'aucun obstacle que de la seule liaison du soulfre, lequel mesle tellemēt ses parties avec les contraires de l'humeur visqueux, par vn moyē, qui est la chaleur de la terre, que de là s'esleue vn esprit fort tenué, lequel multiplié en elle se peut nommer l'immediate matiere des metaux. Après qu'il est receu, & cuit en la temperée

chaleur

chaleur des viscères minerales, il se conuertit, & prent vne cōsistence semblable à quelque masse terreuse, laquelle s'amolit avec l'humidité coulât de la terre, & par ce moyē la matiere se petrit mieux & s'assemble, lors les elemēs accourēt, & influēt en elle leurs vertus, avec vne deue, & naturelle proportiō, & se meslēt selō leurs parties, iusques à ce que la mixtiō soit du tout parfaite, laquelle par cōtinuelle decoctiō est regie, & gouuēnee iusques à ce qu'elle se fermēte, s'endurcit, & prend en fin le corps de metal. Voila donc cōme la mere cōmune de toutes choses nature procede en la generation des metaux, & n'estoit assez qu'elle elargit vn argēt vif pour l'estre d'iceux, mais prouide en toutes choses elle a voulu accōpagner ce Mercure d'un naturel argent, qui ne peut estre autre chose selon Geber qu'une terre huileuse, decuite, & epaissie par la viue chaleur, qui est dans les entrailles des minceres, laquelle se peut nōmer (les mots sont des artistes)

merita-

meritablement fouldphre. Et iacôis que les corps furnommés ſeruent vniquement à l'eſtre de tous metaux, ſi eſt-ce qu'ils ſont en leurs eſpeces, & qualités quelqueement differents, & tiennent telle latitude entre eux que le caillé cōparé au laiët, que l'homme comparé à la femme, que l'argent à ſa matiere ſuiette. Je diray toutesfois ceci en pourſuiuant noſtre carriere pour arreſter l'opinion de quelques vns, que le ſouldphre commun, & le Mercure vulgaire ne peuuent eſtre elemens & matiere des metaux. Car ces deux corps aſſauoir ſouldphre & Mercure, ſont principiés, & conſiderés comme indiuidus, deſquels nulles actions ſans auoir force, & facultés d'ailleurs, ne peuuent proceder. Et outre les raiſons que ie pourrois mettre en campagne, l'experience, en fera preuue aſſes honneſte. Onques lon a veu ny trouué l'argent viſ commun, ny le ſouldphre vulgaire melangés, & vnis enſemble dans les minieres. Comme donc ſeroient ils principes, veu qu'ils

qu'ils ne se treuvent és lieux de la naissance des metaux.

Ce soulfhreactif, qui est comme pere de l'œuure des Philosophes, & de tous metaux, a deux natures en soy contrairement opposees, l'vne cede à la bataille que la chaleur luy dresse, L'autre resiste à toute violence exterieure, & est comme congelé & non fondant, qui est la cause pourquoy nature a voulu monstrier combien est grande la difference du soulfhre actif, & du fondant. Ce que s'obserue en la fusion des sept metaliques, qui sont congelés par l'action du soulfhre fusible, comme non moins lon voit les simples metaliques, Magnesies, Marchasites, & autres Chymolees reuesches à la force du feu, pource que le soulfhre non fusible gaigne le dessus en eux, & domine du tout en leur premiere nature.

Laisant ce second vol, pour reprendre vn nouuel erre ie prieray cil, qui fondant la volonté de mon dire pourroit penser
de

de plus meures raisons, me pardonner si ie
laisse pour ce coup l'opinion du maistre
d'Alexandre en la deduction des princi-
pes des metaux, pour suiure la demonstra-
tion que les Philosophes du premier aage
nous ont laissé. Et iacois qu'ils soient gran-
dement differens en l'arrest de la procrea-
tion des metaux, & qu'ils combattent
comme lon voudroit dire en diametre. Si
est-ce que l'opinion de l'un ne peut estre
deuancee, pour suiure seulement l'afe-
ction del'autre. Car encor que vous asseu-
rés que les metaux soient fucs endurcis au
froid, & faits de terre meslee avec eau se-
lon la Stagiryte, ou soulfhre, & Mercure
cuits par la chaleur telle, que le prince A-
rabe la nous a faine, ils tirent tousiours à
vne mesme couleur, & endurent les mes-
mes alterations, qu'ils ont laissé en leurs
escrits, comme l'experience assure en la
diuersité d'iceux. Et qu'ainsi soit les tein-
ctures le peuuent tesmoigner. l'Or est vn
metal

metal selon le truchement de nature. Aristote fait de la terre, meslee avec l'eau, & d'autant que la quantité de la terre n'efface point la splendeur de l'eau, mais seulement obscurcit la transparence d'icelle, d'autant sa couleur est plus belle, pure, durable au feu, precieuse, & estimable entre nous, veu que sa mixtion est plus sincere & pure : Mais selon Auicenne vous dirés que s'est vn soulfhre rubiconde clair, accompagné de toute pureté, qui se cuit à la chaleur excitée du ventre de la terre, le quel pour sa perfection demande vn monde d'annees : Et d'autant que ce soulfhre est plus pur & sincere, & la coction d'iceluy plus longue, & parfaite, d'autant le naturel du metal est plus haut, precieux, & vaillable entre les humains.

Encor toutes ces considerations diligemment agencee ne pourront assigner vn

vn tout vrayement probable, si lon ne iettoit la faux plus auant en la moisson, & si lon n'affermoit que la seule chaleur de la terre ne peut estre la priuee cause de l'estre, couleur, & vertus des metaux. Mais il faut par necessité que les voisins des elements operent, & mettent la main en la generation d'iceux. Nous voyons que le Soleil, & sa sœur, & les autres flambeaux celestes voltigeans de tant vnanime desordre, par certains sentiers remarqués, es lieux diuifés par certains periodes, nous partissent, & descriuent les saisons, nous enfantent les heures, desquelles iointes, & vnies nous establisent les iours, des iours les mois, des mois l'an, des ans les siecles, des siecles entendét l'aage de leur reuolution innumerable, par laquelle ils font exhaler les vapeurs, les font rechoir, nous echaufent, nous hyuernent, d'un naturel, & non accidental retour, & tournoyement non iamais fatigué, & las. Et de là selon la doctrine Ægyptique les plantes, & mine-

raux reçoient leur accroissement, leurs vertus, leurs propriétés, & graces, car nous voyons où la chaleur de l'œil du monde est plus continuellement active, l'accroissance de ce metal y est plus copieuse, & fertile, la couleur plus belle, & precieuse. Ce qui se manifeste es regions plus proches de la Zone torride, pource que les rayons du Soleil en ces lieux continuellement chauds apporte vne cuisson, non oyfiue, & interpollee à la matiere destinee pour estre or. Ce que semble auoir quelqueement le Maiorican en son testament, & en son œuvre de l'animation des mercures, où il assigne, & specifie le tēps, d'où le Philosophe doit prendre, & tirer le commencement de son œuvre, qui est l'equinoxe, & retour du Soleil au premier point du Belier. Car c'est lors que le Soleil avec sa chaleur nous rapporte le germe de toute chose & chacune chose l'auouant pour auteur, reprend le fief d'une vie renaissant.

Voila donc l'vtilité de ce Soleil premier miracle du monde, qui se monstre non seulement par sa chaleur vigoureuse, qui nourrit & rend fertile la terre, & donne l'estre à toutes choses, mais aussi par les insignes mutations des tēps, & changemens des saisons. Ces premieres conquestes n'ont peu borner la carriere de l'estude de ces bons peres, mais opiniatrans tousiours en leur grand labeur ont voulu recercher la vertu des choses crees, & non contens d'auoir leur principe, & creation en main par vne belle grace, & accord de nature, ont tellement lâché la bride à leur affection, qu'ils font prodigue ceste fecōde mere, où elle se fouloit monstrier auare & reuesche & poussant le voile de leur poignāt desir ont penetré iufques aux entrailles crees de ses metaux, & laissant les vns à part cōme auortés, & sans forme, ont dressé leur partie sur l'or, non sans auiser iustement que ce superbe metal estoit cōme prince
des

des autres, representant en soy l'image, & autorité de ce flambeau celeste, ont imaginé toutes les caresses, qui pouuoient adoucir, & allecher la rudesse d'un tel metal, qui ne se veut laisser prendre sans mouffles. Et pour ce faire ont esté contrains de retourner à leurs premiers portiques, & rappeler le pareil secours, que nature leur auoit autresfois accordé à la cuillette de ses premieres fleurs. Toutesfois cela n'a esté suffisant, mais ont dressé vn moyen plus expedient, & stable, pource qu'il faillloit corrompre, dissoudre, & reduire en espeece premiere ce en petit temps, où nature auoit esté occupée par vn mode d'annees, & pour ce faire lon la deuoit presque imiter en toutes ses proprietés, auisant que de la corruption, & solutiõ qu'elle machinoit d'une espeece, vne autre renaissloit. Et cõme ils voyoient que naturellemēt elle corrompt vne chose à l'effet d'engendrer & produire vne autre. Ce qu'est euident en l'acier,

l'airain, & en telles semblables choses, qui se corrompent d'elles mesmes, comme la rouille engendre en elle glisse, & va croissant en mode d'un chancreux Polype, les mines iusques à l'entiere consommation d'iceux. Et de là tirant l'imitation de ce mouuement ont introduit vne corruption externe, ou estrangere par l'aide de leur calcination, digestion, coction, qu'ils appellent, & pour cela la breche n'estoit asseurement ouuerte, car il failloit pour vn dernier acte dresser vne merueilleuse partie. Assauoir vne reduction demonstratiue de ces corps en leur premier estre. Et voicy comme ces Philosophes regardoient, l'homme est composé par vn emprunt de quelques portions des quatre premieres, & grans elemens, desquelles les parties reduites en vn tout, sont forcees contre leur naifue disposition: Car ainsi que le feu est arresté ça bas, bien qu'il tende selon sa nature en haut, ainsi la portion terrestre est priuee du repos,

auquel

auquel elle est tousiouts enclinee contre son centre, & pour estre iointe en egale proportion sont colloquees contre leur naturelle predestination. Et pource que toute liaison forcee ne peut estre eternelle, & que les choses liees par tel moyen, fuent l'assemblément, & tendent chacune opiniaistrement au lieu, où sa nature la pousse, ce lien dure bien peu, & se dissout le corps humain en peu d'aage, tât chacune portion elementaire desire de retourner à son propre, & naturel domicile. Lesquelles derechef reunies, & recollees pour la continuation immortelle de leur semblable font renaistre vnanimement les especes, lesquelles par la resolution sembloient estre perdues, & abolies. Et de ce type demonstratif ont tiré que si nature dresseoit vne reduction naturelle de tous specifics en leur premier estre que non moins l'art qui limite & suit en ses propriétés le pourroit faire. Ce qu'Albert le grád semble toucher que les me-

taus tirez de la miniere sont morts, & ne promettent aucun espoir de vie. Mais si l'art les dissoult & reduit en leurs principes, d'autant peuuent ils tendre à l'infiny, & donner l'estre, & semer semblables especes. De la, comme dit la turbe des sages, l'euure grand a pris sa naissance, & la semence cachee dans les entrailles de l'or, a esté tiree, qui a produit à ces peres vne moisson en ses especes immortelle. Ce qui est ingenieusement descrit en la Chrisopee d'Augurelle.

*Hordea cui cordi demum serit hordea, ne tu
Nunc aliunde pares auri Primordia, in auro
Semina sunt auri quamuis abstrusa recedant.
Longius & multo nobis querenda labore.*

Or moy sçauant seulement en telles choses par vn prest d'oreilles, & lectures curieuses, que i'ay autrefois fait de quelques singuliers muets, ie laisseray la volupté de tels discons à ceux, qui en font le premier estat entre les humains & me contenteray pour ce coup de mettre en
role

DE FRANCOIS ROSSELLET,
role, pourquoy la Medecine à receu, &
cheri ce precieux metal, non sans iuste-
ment auiser que s'estoit le plus merita-
ble de tous les composés, tenant le pre-
mier rang en la propriété des choses
crees. Et à la verité l'Or est vn corps
doué de toute perfection, composé d'v-
ne egalité de substance, proportionne-
ment meslangé, compris sous vn tempe-
rament egal, receuant l'vnion, & l'admi-
rable texture de toutes les vertus, tant
superieures, que inferieures, auquel nul
mixte peut estre comparé. Comme tou-
tesfois les ceruelles qui l'ont caressé ont
esté diuerfes, ainsi l'vsage qui s'en est en-
suiuy pour l'entretien du corps, a esté
fort errant, & soupçonneux: & a mis as-
ses de reuolte en la teste d'aucuns qui
meritement se pouuoient nōmer iustes
Critiques d'esœures bien faites & mal
faites: desquels voyans l'vsage d'iceluy
tant peu asleuré, & fermé, vaincus d'v-
ne curieuse impatience se sont reduits

sous le fais d'une tât delectable solitude, & cachette, qu'ils n'ont cessé iusque à ce que leur façon peu animée fut conuertie en meilleure, & asseurée demonstration. Et protestans contre un assés éves nôbre de graues Medecins de nostre aage ont montré comme iustes spectateurs, en la plus part des choses bien nees, le peu de deuoir, & d'occasion qu'ils auoient d'vser de la vertu de ce chatouilleus metal sans considerations exactemēt poisees. Mais ie demande toute affection supprimee, & renuoiee au loin, de quelle raison me pourroient paier ceux, qui l'accomodent aux maladies, comme sont Palpitation de cœur, forces deiettees, & quasi flechies sous la grandeur, ou diurnité d'une cruelle passion, venins, & autres que ie pourroy nommer, le reduisans en poudre, ou vfans de l'extinction d'iceluy.

Est il donc possible qu'un corps tant compacté, tant solide que lor, puisse conforter, exhilarer, & remettre en vigueur
premiere,

premiere, les esprits puisés des sources du cœur, où sa propriété s'adresse, estant pris selon qu'Auicenne, & la suite des Arabes l'ordonne? N'auons nous pas vn beau texte d'Hypocrate, qui nous enseigne, qu'il y a grande latitude, & difference entre l'aliment qui nourrit, & celuy qui est voué a la nourriture, & entretien du corps? L'aliment qui nourrit, acheue son euvre estant digéré, mûré, séparé de ses impurités, & conuerti en vapeurs spirituelles. Telles, & semblables vapeurs nourrissent les esprits, peres, & auteurs de noz operations. Secondement l'aliment destiné a la nourriture n'est rien qu'un corps ou vn premier suiet, lequel requiert pour tendre a la fin du premier vne digestion, vne resolution, vne separation, sans quoy son appellation n'est qu'une equiuoque, & faulce apparence du beau non qu'il porte. Ainsi nous deuons dire si nous voulons auoir l'action legitime de nostre medicament, il faut qu'il soit rendu spiri-

tuel, volatil, & séparé de la mixtion qu'il a commune avec l'impurité des autres elemens; & imiter le mesme office que la chaleur du corps tiét en la preparation de sa nourriture. Toutesfois quelque curieux, & aduersaire mettra en ieu, que l'experience ordinaire assure que l'eau ou l'acier echauffé aura esté plusieurs fois trempé arreste la Cocliaque, ouure l'opilation de ratte. Si donc l'acier a telle vertu specifique, pourquoy non l'Or, veu qu'ils sont cōposés de mesmes principes & nourris en pareille escole de nature. Encor'i aiouteray que d'autant que la predestination de l'or est plus grande, d'autant ses vertus sont plus fertiles, & communicables à ce microcosme. Toutefois la difference, & contrariété de la communication de leurs vertus se trouuera en ce que d'autant que l'acier est plus porreux, & moins fixe que l'or, d'autant plus agilemēt il communique ses vertus veu que tels corps comme l'experience assure

asseure se reduisent tost au feu, & reçoivent facilement vn principe de calcination. Mais l'Or qui est le plus solide, fixe & moins porreux de tous les metaux: obstinément reiette tous les assaux, que le feu plus violét luy dresse, & ne change pour quelque ardeur sa beauté, ni son poix. Parquoy il est facile à croire qu'il ne peut passionner la moindre partie de la chose, où il auroit esté trempé.

*Vni quoniam nil deperit auro
Igne velut solum consumit nulla vetustas,
At neque rubigo, aut arugo conficit ulla,
Cuncta adeo firmis illic compagibus hærent.*

Aussi l'apotelesme est inuiolable que les corps metaliques vrayment calcinés communiquent seulement leurs vertus es choses, qui les resoluent. Il est donc facile à iuger que telles resolutions, qui se font par tant legeres impressions ignees, sont si peu valides, que lon en doit vser (sauf meilleur aduis) que pour vn termes de contenance.

... Ce que lon apprendra de ceux, qui ont hanté lecole d'Hermes, & ont sceu separer le pur, de l'impur : lesquels remarquans en tous corps vne fede, & corromptible superficie des quattres elemens, qui est le lien & obstacle des facultés destinees à l'essence del'ame, comme desireux de sçauoir si ces quatres parties estoient les causes seules, & priuees dela natiuité, action, & conseruation de toutes choses, ont trouué par le moyen que ie vous ay mis, que l'estre & conseruation des choses, & actions d'icelles, dependoient, & procedoient d'une matiere plus spirituelle, & actiue, que de celle, à laquelle leur occupation premiere auoit remis la beauté de tous indiuidus. Qui est l'orque duquel Orphee fait mention en l'hymne de la nuit, d'où nature epuise la generation de toutes especes. Laquelle comme estant plus remote de l'exterieur des elemens, semble presenter toutes les facultez d'icelles. A
quoy

quoy l'opinion d'Aristote respont, qui
 dit, que l'operation, & faculté destinee a
 l'essence de l'ame, ne sort d'une matiere
 pareille, ou semblable à celle, qui est obie
 cte, & representee à nostre veue, & habil
 lee de la materielle qualité des elemens,
 mais d'une beaucoup plus sincere, diui
 ne, excellente & remote, celle-là se con
 sidere es operations que nature dresse
 journellement pour l'immortelle conti
 nuation de ses indiuidus, vous la voyés
 dans le grain ietté en terre, lequel se pu
 rifie, se resout, & meurt: Toutefois de
 luy reste une matiere que l'accort des sa
 ges a nommé radicale, ou premigenie,
 qui est la source de la vie de toutes cho
 ses, ministres, des actions, & facultés dicel
 les, mere, & propagatrice de tous indiui
 dus, mediatrice du discort, & contrarie
 té des premieres parties de ce grand tout.
 Laquelle studieuse de l'immortelle con
 tinuation des choses, remet en estre une
 espece, semblable à celle & destinee au
 mesme

mesme vsage, que la premiere auoit. Si nature ie vous prie monstre en soy l'effet de telle preparation peut elle denier la cognoissance de son naturel à vn art, qui lasuit presque en toutes ses propriétés? Veu que selon l'opinion de Lulle elle acheue en vn an, ce qu'elle fait en mille, elle produit en vne heure, ce qu'elle engendre en vn iour.

Si est-ce que beaucoup pensent qu'il n'est possible de représenter la matiere que ie vous mets en ieu, puis que selo les Spagyres elle est oculte, inuisible, spirituelle, celeste, adherent seulement à la raison, seperee de la communiré de noz sens, & pour estre telle que ie la fais ce titre de matiere luy est fort mal conuenant, veu que selon les Platoniques tout malefice, & pauureté, que nostre nature endure, & souffre, regorge de la matiere, neantmoins necessaire à l'estre de tous indiuidus. Toutesfois cōme enyuré
d'vne

d'une facile demonstration . I'vseray de ce mot de matiere, laquelle (encor qu'elle soit inuisible) & que le Grec Theophraste l'appelle *τὸ ἀμείδιον τῶν φθιέων* toutefois estant separee des sordés, & impurites, qu'elle a communes avec les elements, se manifeste à noz yeux, & au lieu qu'elle estoit quiete & ocieuse, elle est mobile, & actiue. Enquoy l'on doit remarquer la grande prouidence de L'archetip e, ou si la diuinité n'est suffisante pour satisfaire à leur curiosité, ie les prie de contempler la chaine d'or d'Homere: & la société de l'inuisible avec le visible, du contenant avec le contenu: du mouuant avec le tranquile & quiete: du dernier avec le premier: de l'effet avec la cause: de l'idée avec l'exemplaire. Quoy faisans ils confesseront, que ce que nous voyons est mort, inualide, & sterile, si nous laissons le seruice, que nous deuons à la raison, pour suiure seulement l'affection de noz sens. Ce que
l'on

lon verra en la façon que noz deuan-
 ciers nous ont laissé touchant la prepa-
 ration de toutes choses necessaires à l'en-
 tretien de ce petit monde, comme moy-
 mesme ie deduiray en la derniere partie
 de ce present discours, qui comprend la
 preparation du plus precieux des meta-
 liques, qui est l'or, en laquelle la varieté
 & difference d'un art se montre autant
 admirable que l'on pourroit penser. Car
 les vns desirans separer ceste matiere for-
 dide, terrestre, vraye prison de l'actiõ de
 l'ame, pour mettre à la puissance de l'œil
 celle de laquelle i'ay fait mention, & plus
 oculairement à ma suite feray, ont exco-
 gité vn monde de façons.

Les vns donc pour tirer l'humeur spi-
 rituelle d'un tel metal ont demandé l'v-
 sage d'une eau, laquelle pour sa grande
 corrosion meritement a esté nommee
 eau valide composee assauoir d'une par-
 tie de nitre, & de deux de vitriol, laquel-
 le a puissance de resoudre l'argent en eau
 semblable

semblable au lait, & au contraire elle fait subsider l'or en façon de poudre noire. A quoy si lon adioucte vne quartie partie de sel armoniac, l'extraction faite selon l'art, vous auez vne eau que lon appelle regale, qui montre vn opposite effet à la premiere, car dissoluant l'argent le reduit en chaux, l'or au contraire en liqueur crocee, & purissime. Mais ie ne conseilleroiy d'vser de telle preparation pour l'extreme ardeur, & grande acuité de telle eau, qui cruellement eroderoit les entrailles. Lon trouue en Vltade vn monotype de la liqueur de l'or, laquelle deux Cardinaux de Tollede lean, & Hugue, on eu en affectionnee recommandation, cōme ysant d'icelle en leur coutumiere diuersité de viure, laquelle toutesfois n'est moins à craindre que la premiere, pour les extremes venins qui seruent à l'aide de la dissolution de l'or. Les autres detestans la suite de telles poisons ont prins du Tartre, lequel reduit en

D

poudre

poudre tenuiffime ont fait decuire en phlegme d'eau de vie, & de là tirás vn sel par decoctiō & refolutiō, se font promis vne reduction facile de l'or. Car le calcinans, & sublimás non en sublimatiō vulgaire, mais Phisique (selon leurs mots) le rendoit tellemēt actif, & penetrant, que avec l'aide d'vn esprit tiré du vin, où ledit sel auoit esté fondu facilement resoluoiet en liqueur la chaux de l'or. J'ay cogneu par lectures, que quelques vns reduisoient l'interieure partie du test de l'homme en sel, esperant avec ce faire l'or potable. Ce que Albert touche en son liure des mineraux, où il afferme que les cheueux de l'homme, principalemēt ceux qui sont coupés en certain temps montrent vn admirable efficace pour tels affaires: & poursuit que de son temps il a veu vn amas de poudre d'or entre les dens de la suture superieure d'vn cranc d'homme deterré. Geber qui a tiré du sain de nature les principes de son art, &

reputé

reputé pour vn Aristarque de ceux, qui epuisent iournellement les secrets de sa belle doctrine, sur tout recommande vn huile tiré des cheueux humains, pour incerer ou preparer les metaux, à l'effet de les rendre plus faciles à la liquefaction. Et qu'il soit ainsi il semble que leur façon est assés remote, & lointaine, veu que nous auons chose plus facile à la main que Crane de l'homme, & les cheueux d'iceluy, pour dresser telles preparations, duquel l'odeur est tellement foetide, puante, & sale, qu'il n'y a né qui la puisse endurer. Ce que i'ay expérimenté autrefois en l'extraction de son huile pour la cure du haut-mal. Andarnac singulierement verlé en l'vne & l'autre medecine, a eu pour recommandable sur toutes vne façon de l'or-potable préparé sans ayde d'aucun externe, que du feu comme il s'ensuit. Il prenoit l'or separé de sa lepre, lequel reduit premierement en lamelles

fort tenues, ainçois dextrement es vases, & fornicaux, qui estoient necessaires pour tel œuvre. Et par la continuité d'un demy an les calcinoit à feu de quart de degré, lesquelles apres il tiroit, & exposoit au serain, & d'icelle facilement couloit vne humeur oleagineuse, rougeatre, & de saueur douce. Que si d'auenture la calcination n'eut esté egale, & que l'humeur fut difficile à fluer, il humectoit ses lamelles d'un vin quelquesfois rectifié, lequel tiroit la couleur de l'or, le faisant subsider en poudre semblable à quelque cédre. Et pour rectifier cette cinquieme essence en sa tenuité, il la versoit en vne matrice avec toutes ses parties, & l'ainçois dextrement dans un bain froid, estant la partie superieure du vase, entournée d'un linge abreuvé d'eau chaude incontinant landiperistaze ou cōtrariété se paroît les parties ignees, des aqueuses, lesquelles de rechef distillees laissoit au fond du vase vne liqueur tirant sur le

rouge,

rouge laquelle il appelloiten cōmū mot
 or potable, l'usage duquel laconseruée en
 santé par longues années, & beaucoup
 de ses amis vsant a la facon qui sensuit,
 il souloit, apres quelques legeres purges
 raser & echauffer le sommet de la teste, &
 dessus espancher vne dragme de sa li-
 queur & autant en prenoit avec maluoï-
 sie. Cette preparation n'est élongnée de
 raison, veu que l'experience l'asleure, &
 la demonstration que Gerber a laissé
 en sa somme que *Tous corps metaliques
 vraiment calcinés, par reuerrees calci na-
 tions sedis soluent, veu que, tout calciné appro-
 che a la nature des Selz, & de la lum.* la sus-
 nommée facon à grandement pleu au
 Conte Iule Haderch, marechal de l'em-
 pire, lequel yniquement studicus des ca-
 chés, & abstrus remedes, qui se preparēt
 par le feu, ne pardonne à nul frais, nul
 labeur, & cure, & se treuue heurus sur
 tous en la cognoissance de telles rarités,
 & comme ce moien luy estoit sur tous

plus gracieux & agreable, tant pour vn profit particulier que pour la fanté des humains, veu qu'icelle preparatiõ se faisoit sans aide d'aucun erosif, apres auoir fait commencer, & labourieusement acheuer son œuure, vn malheur suruiuent que l'operateur mourant l'euure demeurera imparfait, & sans fin. Lequel cõme de nul prix fut delaisé par le Conte. Toutefois quelque mois apres la caprice luy monta en teste de reuoir les reliques de son euure cõmencé. Lequel apres auoir osté les vases appereut que les ferremés qui les soustenoient autant espaix que la hauteur d'un grãd doigt pouuoit esgaler estoient tous percés & couuers de petites gouttettes tombees des lamines, quel'ouurier preparoit. Parquoy il est facile à croire que si ces gouttes excitees ont eu force avec la tenuité de leurs parties de penetrer l'epaisseur d'un fer tant solide, qu'à meilleure raison estat vouees pour l'usage du corps, elles peuuent plus agilement

ment courit, & voltiger par les vaisseaux d'iceluy & alterer les parties necessaires à nostre vie, la disette du bois, & la continuelle fatigue, puis apres empescha la reiteration de l'euure.

Autrefois quelque docte Medecin en la preparatiõ de l'or me cõmuniqua vne façõ de faire ce metal succulèt sans preuue d'aucun corrosif. Il precipitoit l'or en poudre tenuissime par vne cementation regale, laquelle il lauoit tât de fois en eau de ciel subtilice, iusques à ce que la poudre fut sincere & desuelopee du cement. Laquelle il mettoit avec vne proportionnee quantité d'eau de vie spirituelle, & le vase bien estoupé la digeroit par quarante iours dans vn bain temperé, la digestion heureusement acheuee il versoit la liqueur tirant sur le Citrin dans vn vase propre, & separoit l'eau au feu de premier degré, tellemēt que toute la liqueur montoit, & l'or demeuroit succulent au fond du vase, de couleur semblable à l'or.

Telles plaifantes & vtilés séparatiōs font arduës, & fouuentesfois la chofe ne répond à la volonté de celuy qui la defire, car pour ce faire il faut auoir la faueur de l'efcole Chimique, & pource qu'elle eft vn peu vlcereufe & difficile peu de mōde la cognoit & defire d'y employer quelque fomme d'annees.

Mais pour retourner a noz erres ces reſolutiōs qui ſe font par leſprit de vin, font de long traual, & diurne fatigue, & de mādent la dextérité d'un braue ouurier pour ſepaſer lignee, de l'humide & terreſtre. Ce que les Spagires appellent ſeparation d'elemens. Car le vin contient en ſoy vne terreſtreté laquelle ſeparée. de ſon eſprit rend vne odeur fort fœtide & puante & iacoit que telles, & ſemblables eaus tiennent quelque grandeur & force pour la reſolutiō de l'or en liqueur, ſi eſt ce qu'il ny à chofe plus vaillable, & prompte pour la reſolutiō d'iceluy que les ſels mineraliques. Ce que enſeigne.

Geber en ses liures de la grande perfection que *Tout corps resolvable participe de sa nature du Sel, & de l'alum, ou de quelque semblable, & ne se treuve corps qui recoive plustost une solution que celuy la, donc il faut que tout corps resolvable se resolue par la nature des Selz, a sçavoir en eau.* Mais comme la plus grande partie des sels, & sur tout leurs eaus sont fœtides, ingrates, corrosives, & du tout à l'entretien de nostre nature contraires, & repugnantes. Certes il me semble que l'œuurier qui le peut preparer sans l'appuy de tels venefiques a vn precieus, & rare seeret pour l'entretien de son corps, & cures des maladies qui le retarderoiēt. Aquoy auisant vn docte de nostre aage premier auteur de la derniere preparation que ie traite, & depuis trois ans enca par moy heureusement tentee, & reduite en efet, a pensē que le sel commun ne pourroit moins gagner dauantage sur lor, que les autres, & comme il est vuide de tout

danger, gracieux, & du tout necessaire à nostre vie, ce que l'on cognoit manifeste mēt qu'enulle viade ne peut estre delectable sans sel, nul corps ne peut durer sans l'vsage d'iceluy, mais plustost reçoit l'impression de mille maladies putrides. Ce qu'Hypocrate cōfesse quād il baille aux Ictériques le sel pour medicament: Car cōme il a puissance d'atenuer, & d'incider, il ouure les obstructiōs des viscères, & par sa faculté desicatiue empesche la corruption des humeurs, qui est la cause materielle de l'ictèritie & d'autres maladies contagieuses. Il luy a donc meritement semblé que la preparation qui se feroit par tel moyen seroit beaucoup plus heureuse, & vtile, que celle qui se dresseroit par autre voye.

A la preparation de ce dernier ouurage trois choses sont necessaires l'or, le sel, & bien peu de vinaigre sublimé; & auāt que l'or soit de la partie il demande vne
preparation

preparation premiere, & separation de l'impurité, qu'il a commune avec les autres metaliques. Ce que mirablement fait l'antimoine s'ils sont liquefiés ensemble, mais ils faut que le pois de l'or soit moindre dix fois que la quantité du mineral. Car l'Antimoine fondu avec l'or tire à soy tout l'impur que l'or a de commun avec les autres, & le fait subsider pur, & sincere au fond du vase pyramidal. Lequel facilement puis apres se separe de la masse (selon les termes de leur art) appelée Regule. Le vin-aigre tient le second lieu & pour plus heureusement acheminer l'euure il faut choisir deux liures ou plus d'un fort vin-aigre, & vne liure de sel commun & le tout enfermé dans vne cucurbite se doit separer par le bain iusques à tât que les parties aqueuses soient esleuees, Puis conuient tirer le reste par cendre, avec telle consideration que la seconde par-

tie

tie tirée par la cendre soit pour l'esprit, la tierce soit laissée comme de nulle efficace. Le sel demande non moins que les premiers son election, & comme il y a diuersité de sels, ie croy apres auoir obserué la diuersité d'aucuns que le sel marin est le plus vertueux & conuenable à la perfection de nostre œuure, veu qu'il represente tous les types qu'un bõ sel doit auoir la lueur, le poix, & la blâcheur. Prenez vne liure de ce sel fort tenu, & l'arroufés d'un biẽ peu de vin-aigre, puis de feschés ledit sel à petit feu, agitât quelque fois le pot biẽ celé, à fin de mieux meller les matieres. Cela se doit reiterer par trois ou quatres fois, A chacune liure de sel cõmũ vous deués adiouster deux onces de vostre sel acide, & par cẽ moyẽ vous aués vostre sel préparé. Le fourneau doit est ressemblable à ceux qui seruent à l'extractiõ des eauxvalides, de telle capacité & aisance, que la grandeur du feu puisse librement voltiger, & entourner la retor-

te. Entre les vases icelle est la plus necessaire composee d'un ventre fort ample & capable, d'un col grand, & quelque-ment estroit, laquelle doit estre dextrement luttee pour mieux endurer la violence du feu. A ce vase lon aioute vn autre fort grand, & ample, qui contient deux liures d'eau du ciel separee de son impurité & s'appelle receptoire des esprits, qui sont contenus en l'opposite. Apres que vous auez emply la retorte à demi de sel, vous la devez poser sur les barres du fourneau, & aiancer le receptoire avec telle consideration, que le tout soit tant dextrement conioint, & adapté que nul esprit se perde, ou resoluë. Par quatre premieres heures le feu doit estre fort leger, esleuant iceluy peu, à peu, iusques à ce que quelques fumees pareilles à vn leger & blanchastre nuage soient veues en la capacité du verre opposite. Que si d'auenture elles se manifestent, il faut contenir le feu en mesme deg

réus-
ques

ques à tant qu'elles s'evanouissent, Puis peu, à peu chasser les esprits, augmentant le feu à l'entiere rougeur de la retorte. Lors il conuient l'entretenir en tel degré de feu par l'espace de quatre ou cinq iours naturels sans se soucier si lon ne voit degouter la matiere, & produire quelques esprits. Et encor que rien ne se manifeste, si est-ce que lon verra vne matiere retirant à la couleur de craye, adherer aux murailles du verre. Ceste distillation heureusement conduite, lon doit verser les matieres en vne Cucurbite avec son Alambic, & les distiler à la chaleur d'un bain fort lent, l'eau montera la premiere, en apres le vin-aigre, & l'huile du sel demeurera au fond du vase claire, & limpide, de couleur approchant au vert, & de goust semblable au limon. Voila donc la liqueur, en vne portion de laquelle si vous mettés l'or separé de son impurité par l'antimoine facilement se resoudra en
liqueur

liqueur par l'aide de la chaleur que la cendre excite: laquelle ne doit excéder la force d'un degré, ou autrement l'euure se perdrait. Et au contraire la chose songneusement guidée vous représente l'or réduit en sa liqueur, accompagné de sa mesme couleur, & de telle subtilité, qu'il peut mesme monter en la chappe d'un Alambic, s'il est excité avec bien peu de chaleur. Le medecin de Ferdinand prince d'Austriche en a usé & à son imitation quelques autres avec un tresheureux, & felice succes, en la cure des maladies, croniques, putrides, accompagnées de grandes obstructions, car outre ce qu'il est acré, il est grandement actif, & penetrent, & n'y a cachette d'un corps malade, qu'il ne recherche & visite.

Parquoy il est tenu pour le souverain Antidote, & remede de l'Apoplexie, paralysie, tât de la lague, que de tout le corps, contraction de membres, retention des mois, Estrangurie, ou suppression d'urine,

rine de la pierre laquelle mirablement il diminue, de l'ictèritie, commencement d'ydropsie, appetit perdu, lequel promptement il restaure, vomissemens, & autres affections de l'estomach, il esteint la chaleur des fieures, & appaise la grande desfoif fieureux. Pour la syncope ou de faillâce du cœur, pour le tréblement d'iceluy, pour les affections melancoliques c'est vn souuerain remede principalement si l'on se mesle avec les eaux conuenantes à telles affections. Il empesche la force de tous poisons & principalement du mercure, il appaise les douleurs des ioinctures, & telles semblables reliques qui sortent coustumierement de l'escole d'vne verole inueterée gargarisé avec de roses guarit les vlceres putrides, & sales tant de la bouche, que du gosier. Iacoy qu'ils soient accompagnés d'inflammation. Pour les catharres suffocans, pour les affections pulmoniques, pour la peste (où il sert vniquement) c'est vn
der

DE FRANCOIS ROSSELLET. 65
qui cognoistra la dose, qui est fort petite & la façon de l'administrer tirera vn singulier contêtement pour luy & pour ses malades. Bref ou il est mestier d'incider, d'attenuer, de resoudre, & de conforter, qui sont les indications curatiues des maladies diurnes. L'usage de la presente liqueur tiét la premiere place. Mais pour couper la parole à mon present discours ie m'ouuray vn doute, lequel regne encor de present és escoles Spagyriques, assauoir si la liqueur presente, de laquelle tant de fois a parlé l'astruse & cachée Medecine, est celle, de laquelle les anciens Medecins vsoient pour l'entretien de la santé, & curation des maladies. I'ay leu le Codicille de Lulle, I'ay leu son testament, qui contient la premiere grace du monde, ou il fait mention d'un medicament appelé Elixir, qu'il vouë, & destine à la cure de toutes passios, mais l'ambage, & difficulté git en ce, que lon ne peut asseurer si c'est vn Mercure, i'entens

E vne

vne liqueur, ou vn fel, i'entés vne matiere
 solide. Arnaut en quelque partie de son
 rofaire met en ieu le pareil mot d'Elixir,
 & assure qu'il a telle efficace & force que
 il peut reduire les metaux imparfaits en
 vne absolue, & incorruptible substance,
 séblable à celle de l'or. Surquoy lon poi-
 roit fonder iugemēt que tel corps appro-
 cheroit plustot à vne solidité, qu'à vne li-
 queur. En l'autre partie de son bel œuure
 delaisant ce mot d'Elixir, il reclame sou-
 uentes fois ce nom d'or-potable le bapti-
 sant d'un titre de médicament sur tous
 nécessaire à la cure des maladies, & en-
 tretien de la santé. Et ie croy qu'il n'y a
 en ce aucun antigraine & que tel mot
 enferme l'une & l'autre signification, assa-
 uoir vne matiere solide fixe & perma-
 nente, qui reduit les metaux en purité &
 couleur semblable à celle de l'or. Ce que
 touche doctement à sa grace accoutu-
 mee Jean Augurelle.

Ipsius

*Ipsius ut tenui proiecta parte per undas
 Aequoris, argētum tūc vinum si foret aequor,
 Omne vel immensum verti mare posset in aurū.*

Quant a l'autre matiere, qu'est liquide
 voüee seulement à l'vsage du corps, me-
 ritement s'appelle or-potable, fort sepa-
 ré de la condition de celuy que nous a-
 uons pour le present. Car de vouloir as-
 seurer du nostre ce que noz peres affer-
 moient du leur, ie me pourroy trop affe-
 ctionement egarer, assauoir d'effacer
 l'impression indifferemment de toutes
 maladies, defendre la beauté & gaillar-
 dise d'une ieunesse, contre les rides d'une
 fascheuse, & foible vielleſſe. Mais ie scay
 par obseruation, & beaucoup d'autres
 sont en ma tablette, qui assurement tou-
 cheront la verité, que telles & sembla-
 bles liqueurs dorees (desquelles i'ay fay
 assés honneſte mention) ont produits d'-
 admirables efets, pour la cure de beau-
 coup de maladies rebelles à toute autre
 nature de medicament. Bref ie conclu-

ray avec Crato singulierement versé en la cognoissance de la commune médecine, & en plusieurs rarités, que *Nihil præstantius, nihil utilius, nihil humano generi convenientius esse potest sole & sale.*

*Urgent hominum studia
inuidis temporibus.*





A M O N S E I G N E V R
L'ILLVSTRISSIME CARDINAL
DE GRANVELLE.

*L'Inde au crinon doré:ou la riche manie
De l'or porte-soucy enforcele les yeux.
De l'Indois emperlé, ne peut ouvrir les cieux,
Ou l'ame avec son Dieu doit estre reunie.*

*Tout cela n'est que vent, qu'une face ternie
D'un malade mourant, que le coup furieux
De l'orcques, & de la mort, fait de naller aus lieux
Du sommeil. eternal, qui les mortelz ennuye.*

*De l'Indois, ny de l'or le meslange mortel,
Ne peut de vostre nom faire un nom immortel,
Encore que la terre à voz grandeurs veut plaire,*

*Et prodiguer son mieux: Mais les traits alongés,
Par les doctes filetz des craions bien purgé,
Immortel, glorieux au ciel. vous peuuent faire.*

Franc. Rossellet. D.M.



A MONSIEUR DE
THOVRAISE BAILLY
D'AMONT.

*Le Soleil des cieux le pere,
Et la lampe solitaire
De la nuit au crinon noir,
Et du ciel la double force,
Qui son estincelle amorce
Au plus remote manoir*

*D'Achey (l'amour de ta race)
Fait cognoître que ta grace
Vient de leurs feus esclatans,
Et d'eux la sage nature
Emprunta la pourtraiture
De l'Auril de tes beaux ans.*

*Leur influence benigne
Ha doré ta grace insigne,
Mais tout cela n'estoit rien
Si un pere, dont la face
Pourtaut la guerriere audace,
Ne t'eut fait naistre pour sien*

Le Tigre au Tigre se mesle,
Le germe de l' Aigle ynelle
N'engendre l'oysseau peureus.

La terre douce, & feconde
D'une moisson belle, & blonde
Produit les fruiets saoureux.

Je veux qu'un ciel t'ait fait naître
Et qu'en toy il ait fait croître
La moisson de ses tresors.

Je veux que le sang d'un pere
Qui mort, en toy vis eclaire,
Ait donne l'estre a ton corps.

Mais le lustre que tu tire
De cil, qui soustient l'Empire,
Et le regne de nos rois,

Qui d'un front dous, & severe
Comm' un Jupiter tempere
Le monde de ssous ses lois.

Cest bien plus & que ta face
Resent les rais de sa grace,
Et que sur ton front heureus,

*Son equitable iustice,
Sa douceur à tous propice
Graue ses dons amoureux.*

*Iamais vn mortel orage,
Iamais vn obscur nuage
Ne retranche la saison*

*De toy, mignon de la muse,
Et de ce Mars qui t'amuse
Aus tresors de sa maison.*

Franc. Rossellet. D.M.